

# O Tulaga i totonu o le Falepuipui i Liperate



“I lo’u manatu, e oo mai i le maliufasia o [Iosefa Samita] i le lima ma le afa tausaga mulimuli ane, sa leai se isi taimi na sili ona faigata i le soifuaga o Iosefa nai lo o lenei faafalepuipuiina faalealofa, le faatagaina, ma lē ta’uamiotonuina i le Falepuipui i Liperate. . . .

“O meaai na tuuina atu i pagota sa leaga ma o nisi taimi na faaleagaina, sa matuai eleelea lea sa fai mai se tasi o i latou, ‘e le mafai ona latou aia seiloga e faamalosia i [latou] e le matelaina’ [Alexander McRae, sii mai i le B. H. Roberts, *A Comprehensive History of the Church*, 1:521]. E

faafa ni taimi sa latou tuuina atu ai ia i latou ni mea oona i a latou meaai, lea sa matuai mama’i tigaina ai i latou, o lea sa faapea ona auuai ai ona latou faasuati ma sa pei na fenumia’i o latou mafaufau, sa matuai le popole ai pe latou te ola pe feoti. I tusi a le Perofeta o Iosefa, sa ia saunoa ai e uiga i le falepuipui o se ‘seoli, na siomia i temoni . . . lea sa faamalosia ai ona matou le faalogo i se isi lava mea ae na’o upu leaga, ma molimauina se vaaiga o le upu leaga, ma le onānā ma le pepelo, ma le famaliega o tuinanau o soo se ituaiga’ [i le *The Joseph Smith Papers, Documents, Volume 6: February 1838–August 1839*, ed. Mark Ashurst-McGee and others (2017), 361; ua faalau-gatasia le sipelaga ma le faasa’oga].

“. . . ‘O le peni, po o le laulaufaiva, po o agelu,’ sa tusia ai e Iosefa, e le mafai ona lava faamatalaina ai ‘le lotoleaga o seoli’ sa puapuagatia ai o ia iina [Letter to Emma Smith, 4 April 1839, i le *Personal Writings of Joseph Smith*, rev. ed., comp. Dean C. Jessee (2002), 463, 464; ua faalau-gatasia le sipelaga ma le faamataitusi lapopoaina]. Ma o lenei mea atoa na tupu i le taimi, e pei ona sa ta’ua ai e nisi o tala, o le taumalulu aupito sili lea ona malulu na faa-mauina i le setete o Misuri” (Jeffrey R. Holland, “Lessons from Liberty Jail” [faeasaita a le Lunivesite o Polika laga, Sete. 7, 2008], 1–3, [speeches.byu.edu](http://speeches.byu.edu)).

“O le fa masina na saisaitia ai i totonu o le Falepuipui i Liperate . . . na oo ai ni taunuuga ogaoga faaletino i pagota. Sa tau le suluia e le la ia faamalama uamea laiti e lua sa faapea ona maualuluga tele mo le vaai atu ai, ma o itula uumi o le pouliuli na mafua ai ona vaivai le vaai a alii. . . . E ui ina sa faatagaina se afi laitiiti, ae o le leai o se alā’asu e alu ai le ‘asu, sa faapea ona faateteleina ai le afaina o mata o pagota. Sa tiga o latou mata, sa gatete o latou neura, ma i ai foi se taimi na pau maualalo ai le toto o Ailama Samita. . . .

“Ae atonu o le mea na sili ona faalotovaivaia ai pagota na totoe, o le manatu lea e faapea, o aiga o le Au Paia o Aso e Gata Ai, e aofia ai ma o latou lava aiga, na taapeape solo, augapiu ma se mea, ma fetulina’i solo i le setete o Misuri” (Justin R. Bray, “Within the Walls of Liberty Jail,” i le *Revelations in Context*, ed. Matthew McBride and James Goldberg [2016], 259, po o le [history.lds.org](http://history.lds.org)).

- Ana e i ai i le Falepuipui i Liperate, mata e te ono aafia faapefea faaletino, faalelagona, ma faaleagaga ona o nei tulaga?

